


Ferma opposiziun cunter la NFA

Surdada dil referendum encunter la Nova ulivaziun da finanzas

DA MARTIN CAVALZAR

■ Cun 88 encunter 22 vuschs ha il cussegl grond giu sancziunau il zercladur vargau a Poschiavo la Nova ulivaziun da finanzas (NFA). Ier ha il comite «Na tier la NFA grischuna» inoltrau il referendum cun passa 6500 sutscrizziuns. L'opposiziun encunter la Nova ulivaziun da finanzas vegn purtada da 18 organisaziuns pertuccadas els secturs da scolaziun e socialesser. Enstagl dallas 1500 sutscrizziuns che fussen stadas necessarias hagi ins recaltgau passa 6500 sutscrizziuns ord tut las regiuns da nies cantun, ha *Patrick Degiacomi*, il parsura da AvenirSocial Grischun, constatau cun satisfacziun. Criticada vegn primarmein la spustada dalla responsabladad per la scolaziun ed il socialesser. Quellas duas domenas duein vegnir surdadas egl avegnir per gronda part allas vischnauncas. Ei seigi buc endretg da schar quellas perulas cun pensums difficils e sensibels. La scola populara, ils fatgs socials e la politica da famiglia sei-



Ier ha il comite «Na alla NFA» inoltrau il referendum cun passa 6500 vuschs alla canzlia cantunala. FOTO T. DEFILLA

gien indispensabels per la cohesiun denter la populaziun. Sut la reschia dallas vischnauncas seigi ei da quintar ch'ei detti grondas dif-

ferenzas dalla purschida e dils survetschs pil singul burgheis, scriva il comite. Da quel fan part organisaziuns socialas e d'impedi, la

magistraglia e cussegls da scola sco era la centrala da dunnas.

> COMMENTARI E PAGINA 3